

BOSNA I HERCEGOVINA
FEDERACIJA BOSNE I HERCEGOVINE
VLADA
GENDER CENTAR
FEDERACIJE BOSNE I HERCEGOVINE

BOSNIA AND HERZEGOVINA
FEDERATION OF BOSNIA AND HERZEGOVINA
GOVERNMENT
GENDER CENTER OF THE FEDERATION
OF BOSNIA AND HERZEGOVINA

Broj: 03-04-1-718/21
Sarajevo, 22.11.2021. godine

**BOSNA I HERCEGOVINA
FEDERACIJA BOSNE I HERCEGOVINE
KANTON TUZLA**

GRAD GRAČANICA

N/r Dženana Tukulj, Sekretarka Jedininstvenog gradskog organa i Gradskog vijeća
Gračanica

PREDMET: *Ocjena usklađenosti Gender akcionog plana Grada Gračanica za period od 2021. do 2025. godine (LGAPa) - sa Zakonom o ravnopravnosti spolova u Bosni i Hercegovini (Službeni glasnik BiH, broj 16/03 i 102/09), dostavlja se*

Poštovani,

Ravnopravnost spolova predstavlja jednaka prava i slobode, vidljivost i zastupljenost žena i muškaraca u svim područjima javnog i privatnog života. Postizanje ravnopravnosti spolova je ključno za zaštitu fundamentalnih ljudskih prava, razvijanje demokratskog društva, poštivanje vladavine prava, te ekonomski rast i konkurentnost. Uvođenje principa ravnopravnosti spolova u razvojne politike, strategije, i programe je od posebnog značaja na lokalnom nivou, jer je lokalni nivo vlasti najneposredniji i najbliži građanima/kama.

Na osnovu dostavljenog dokumenta „Prijedlog Gender akcionog plana (LGAP) Grada Gračanica za period od 2021. do 2025. godine”, Gender Centar Vlade Federacije Bosne i Hercegovine u skladu sa članom 24. Zakona o ravnopravnosti spolova u BiH daje mišljenje kako slijedi:

- Predmetni dokument LGAP Grada Gračanica oslanja na normativni, strateški i institucionalni kontekst u Bosni i Hercegovini (BiH) i Federaciji Bosne i Hercegovine (FBiH) te je relevantan principima Ustava BiH i Ustava FBiH te Zakona o ravnopravnosti spolova u BiH i Zakona o zabrani diskriminacije u BiH;

- Aktivnosti, mjere i indikatori postavljeni su u skladu sa Gender akcionim planom Bosne i Hercegovine (GAP BiH) koji je zakonska kategorija propisana Zakonom o ravnopravnosti spolova u BiH;
- Uzeti su u obzir i drugi strateški dokumenti doneseni na nivou Bosne i Hercegovine i Federacije Bosne i Hercegovine, a koji čine strateški okvir za planiranje programa mjera za unapređenje ravnopravnosti spolova u jedinicama lokalne samouprave, i to :
 - Akcioni plan za primjenu Rezolucije Vijeća sigurnosti UN-a 1325 „Žene, mir i sigurnost“ u Bosni i Hercegovini za period od 2018. do 2022. godine,
 - Okvirna strategija za provedbu Konvencije o prevenciji i borbi protiv nasilja nad ženama i nasilja u porodici u Bosni i Hercegovini,
 - Strategija za prevenciju i borbu protiv nasilja u porodici (2021-2027), sa trogodišnjim Akcioni planom za provedbu Strategije za prevenciju i borbu protiv nasilja u porodici za period 2018-2022.
- U potpunosti slijedi Metodologiju za izradu lokalnih gender akcionih planova u Federaciji Bosne i Hercegovine, kojom se nastoji zauzeti pristup sistemskog planiranja programa mjera za unapređenje ravnopravnosti spolova u jedinicama lokalne samouprave u BiH, kao odgovor na pitanje koje je identificirano za period za period od 2021. do 2025. godine;
- Posebna pažnja je posvećena posebnim propisima i politikama Grada Gračanica, kao jedinice lokalne samouprave, te postojećim institucionalnim mehanizmima za provođenje propisa, a kao dodatni izvor standarda za jedinice lokalne samouprave i unapređenje ravnopravnosti spolova na lokalnom nivou, uzeta je i Evropska povelja o rodnoj ravnopravnosti na lokalnom nivou;
- Kao strateško-planski dokument Grada, svojom implementacijom će poticati budući rast i razvoj zajednice, te unaprijedi ravnopravnost spolova u zajednici.

Na osnovu gore navedenog, **Gender Centar Federacije Bosne i Hercegovine može dati saglasnost i pozitivno mišljenje na predloženi tekst dokumenta „Prijedlog Gender akcionog plana (LGAP) Grada Gračanica 2021-2023. godine”, a u vezi provedbe Zakona o ravnopravnosti spolova u Bosni i Hercegovini.**

S poštovanjem,

